



Na osnovu Odluke o isplati dividende dioničarima ASA Banke d.d. Sarajevo iz dobiti ostvarene u 2023. godini Broj: 01/1-3670-4/24 od 21.03.2024. godine, a u vezi sa članovima 195. i 196. Zakona o privrednim društvima, članom 45. Zakona o bankama Federacije BiH, te članom 19. Statuta ASA Banke d.d. Sarajevo, ASA Banka d.d. Sarajevo objavljuje:

O B A V I J E S T

o isplati dividende dioničarima ASA Banke d.d. Sarajevo

Skupština ASA Banke d.d. Sarajevo je na 55. sjednici održanoj dana 21.03.2024. godine, donijela Odluku o isplati dividende dioničarima ASA Banke d.d. Sarajevo iz ostvarene dobiti za 2023. godinu.

Dividenda na prioritetne dionice je obračunata po kamatnoj stopi na oročene depozite građanima, preko tri godine, koja se primjenjivala u Banci na dan usvajanja revidiranog Godišnjeg obračuna Banke za 2023. godinu i prema stanju dioničara, vlasnika prioritetnih dionica na taj dan.

Dividenda na redovne dionice se isplaćuje dioničarima, vlasnicima redovnih dionica, koji su se nalazili na listi dioničara Banke kod Registra vrijednosnih papira FBiH na dan donošenja Odluke Skupštine, tj. na dan 21.03.2024. godine.

Visina dividende za jednu redovnu dionicu za 2023. godinu iznosi 7,01 BAM.

Kao datum početka isplate dividende utvrđen je **27.03.2024. godine.**

U svrhu ostvarivanja prava na isplatu dividende pozivaju se dioničari ASA Banke d.d. Sarajevo da dostave sljedeću dokumentaciju lično ili putem pošte na adresu: ASA Banka d.d. Sarajevo; Trg Međunarodnog prijateljstva broj 25; 71000 Sarajevo, sa naznakom „za isplatu dividende“:

- **pravne osobe – rezidenti:** kopiju izvoda iz sudskog registra ne starijeg od 3 mjeseca i potvrdu banke o transakcijskom računu dioničara, s naznakom identifikacijskih podataka dioničara, na koji će se izvršiti isplata dividende, te kontakt telefon dioničara;
- **fizičke osobe – rezidenti:** kopiju identifikacijskog dokumenta (kopiju pasoša za nerezidente) i potvrdu banke o tekućem (transakcijskom) računu dioničara, s naznakom identifikacijskih podataka dioničara, na koji će se vršiti isplata dividende, te kontakt telefon.

Dioničari nerezidenti dužni su uz navedene dokumente i podatke dostaviti i podatke koji uključuju SWIFT i IBAN broj.

Dostavljeni podaci o identitetu dioničara moraju odgovarati podacima iz Registra vrijednosnih papira FBiH na dan 21.03.2024. godine.

Dioničari mogu kontaktirati Registar vrijednosnih papira FBiH, Maršala Tita 62/II, 71000 Sarajevo u svrhu provjere i ažuriranja statusa i podataka na Listi dioničara.

Dodatne informacije u vezi s isplatom dividende dioničari mogu dobiti na broj telefona ASA Banka d.d. Sarajevo: +387 33 294 756.

ASA Banka d.d. Sarajevo



Na osnovu člana 248. Zakona o tržištu vrijednosnih papira („Službene novine Federacije Bosne i Hercegovine“, broj: 85/08, 109/12, 86/15 i 25/17), «Naprijed Invest» društvo za upravljanje fondovima d.o.o. Sarajevo daje sljedeću:

O B A V I J E S T

da je u ime i za račun Zatvorenog investicijskog fonda sa javnom ponudom, „NAPRIJED“ d.d. Sarajevo, Trampina br. 12, izvršio prodaju sljedećih dionica:

Naziv i sjedište emitenta	Datum izvršene transakcije	Klasa, oznaka i broj dionica prije transakcije	Procenat učešća dionica ZIF-a Naprijed d.d. Sarajevo u ukupnom broju dionica prije prodaje	Procenat učešća dionica ZIF-a Naprijed d.d. Sarajevo u ukupnom broju dionica poslije prodaje	Broj dionica poslije transakcije
BUGOJNOPROMET d.d. Bugojno	15.03.2024.	Redovna, BGPMPK3 15.757	6,6019%	0,00%	0

JAVNA USTANOVA BOLNICA TRAVNIK

Na osnovu Odluke o raspisivanju oglasa za prijem radnika na određeno vrijeme broj:10-2226 od 20.3.2024. godine, Direktor JU Bolnica Travnik, objavljuje

O B A V J E S T O R A S P I S I V A N J U O G L A S A

za prijem radnika u radni odnos na određeno vrijeme

- JEDNU (1) MEDICINSKU SESTRU-TEHNIČAR - u Hiruršku službu na određeno vrijeme do povratka radnice sa bolovanja
- JEDNU (1) MEDICINSKU SESTRU-TEHNIČAR - u Transfuziološku službu u radni odnos na određeno vrijeme do povratka radnice sa bolovanja
- JEDNU (1) HIGIJENIČARKU-SERVIRKU - u Administrativnu službu u radni odnos na određeno vrijeme do povratka radnice sa bolovanja

Integralni tekst oglasa, se nalazi na web stranici JU Bolnica Travnik www.bolnicatrvnik.ba

Rok za podnošenja prijave je osam dana od dana objavljivanja Obavjesti o raspisivanju oglasa za prijem radnika u radni odnos na određeno vrijeme u dnevnom listu „Oslobodjenje“.

Prijem će se vršiti u skladu sa Zakonom i Uredbom o postupku prijema u radni odnos u javnom sektoru u SBK i Odlukom o bodovanju kandidata za prijem radnika u JU Bolnica Travnik.

Vrijeme testiranja i intervjuja će biti objavljeno na web stranici JU Bolnica Travnik.

BOSNA I HERCEGOVINA FEDERACIJA BOSNE I HERCEGOVINE KANTON SARAJEVO OPĆINSKI SUD U SARAJEVU

Broj: 65 0 P 974721 22 P
Sarajevo, 15.3.2024. godine

Općinski sud u Sarajevu, sudija Edina Bučan, u pravnoj stvari tužitelja Banda Suad iz Ilidže, ul. Josipa Pančića broj 11, kojeg zastupa Baždar Enver, advokat iz Sarajeva, protiv tuženih: 1) Mahadi Babiker iz Ilidže, ul. Šemsudina Sarajlića broj 27, 2) Amani Babiker iz Ilidže, ul. Šemsudina Sarajlića broj 27, 3) Faris Babiker iz Ilidže, ul. Šemsudina Sarajlića broj 27, 4) Osman Mamoun iz Ilidže, ul. Šemsudina Sarajlića broj 28 i 5) Harun Ličina iz Ilidže, ul. Hamze Čelenke broj 9/3, radi utvrđenja prava vlasništva, vrijednost spora 52.123,42 KM, na osnovu člana 348. stav 3. ZPP-a objavljuje:

OGLAS

(Dostava tužbe na odgovor za - Osman Mamoun iz Ilidže, ul. Šemsudina Sarajlića broj 28)

Poziva se tuženi Osman Mamoun da u roku od 30 dana dostavi sudu pismeni odgovor na tužbu, kojim tužbeni zahtjevom je predloženo da sud donese sljedeću presudu:

“Utvrđuje se da je tužitelj Suad Bana sin Raifa iz Ilidže, ulica Josipa Pančića broj 11, JMB:0811971174992, po osnovu dosjeloosti stekao pravo suvlasništva na 3/4 dijela na nekretnini- trosobnom stanu koji se nalazi u Sarajevu, ulica Josipa Pančića broj 11, sprat 3. oznaka 48 ulaz V, a koji se sastoji od 3,5 sobe, kuhinje i pomoćnih prostorija ukupne površine 99,86 m², površine 99 m², te na dijelu zajedničkih prostorija i uređaja koji pripadaju stanu i zgradi kao cjelini i zemljištu ispod zgrade, izgrađenoj na parceli označenoj kao k.č. Broj 3909/1 KPU poduložak broj 3909, Politička općina Ilidža, KPU_ILIDŽA, pa su tuženi dužni da trpe i priznaju da se tužitelj kod zemljišnoknjižnog ureda Općinskog suda Sarajevo, upiše kao suvlasnik predmetne nekretnine, sa dijelom od 3/4;

Nalaže se zemljišno-knjižnom uredu Općinskog suda u Sarajevu, da na osnovu ove presude izvrši prijenos prava suvlasništva na predmetnoj nekretnini, sa dosada upisanih Mamoun (Mamoun) Osmana od 1/2 dijela, Babiker (Muhamed) Mahadi od 1/12 dijela, Babiker (Mahamed) Amani od 1/12 dijela i Babiker (Mohamed) Farisa od 1/12 dijela, u korist tužitelja Banda Suada;

Nalaže se tuženim Babiker (Mohamed) Mahadi iz Sarajeva, Babiker (Mohamed) Amani iz Sarajeva i Babiker (Mohamed) Farisu iz Sarajeva, da tužitelju isplate ukupan iznos od 52.123,42 KM, sa pripadajućim zakonskim zateznim kamata i to na iznos od 51.000,00 KM počev od 21.9.2005. godine i na iznos od 1.123,42 KM počev od 7.11.2005. godine pa do isplate, te mu naknade troškove postupka, sve u roku od 30 dana pod prijeljnom prinudnog izvršenja.”

Ovim putem se tuženom Osman Mamoun dostavlja tužba od 12.7.2022. godine na odgovor u smislu odredbe člana 62. stav 2. ZPP-a, pa je tuženi dužan da u skladu s odredbama člana 70. i člana 71. ZPP-a najkasnije u roku od 30 dana od dana prijema tužbe, dostavi sudu pismeni odgovor u 3 (tri) primjerka. U odgovoru na tužbu tuženim može istaći procesne prigovore i izjasniti se da li priznaje ili osporava postavljeni tužbeni zahtjev, te navesti i druge podatke koje u skladu s odredbama člana 334. ZPP-a mora imati svaki podnesak.

BOSNA I HERCEGOVINA FEDERACIJA BIH TUZLANSKI KANTON OPĆINSKI SUD U KALESIJI Zemljišno-knjižni ured Broj: 029-0-DN-24-000 282 Kalesija, 26. 2. 2024. godine

Općinski sud u Kalesiji, Zemljišnoknjižni ured, na osnovu člana 66. i 67. a u skladu sa članom 88. stav 2. Zakona o zemljišnim knjigama Federacije BiH (Sl. Novine Federacije BiH br. 19/03 i 54/04)

NAJAVLJUJE

USPOSTAVU ZEMLJIŠNOKNJIŽNOG ULOŠKA

U zemljišnoknjižnom predmetu broj 029-0-DN-24-000 282 po zahtjevu Karić Huseina, sin Mehmedalije i Kikača, općina Kalesija, zastupan po punomoćniku Fazlić Mirzi, advokatu iz Kalesije, u toku je postupak uspostave zemljišnoknjižnog uloška.

Nekretnine za koje se uspostavlja zemljišnoknjižni uložak upisane su u PL. Broj 2918 KO Kikači, označene sa

k.č. Broj 996/12 zv. “Ravan2, oranica/njiva 4. klase površine 388 m².

Prema podacima Službe za prostorno uređenje geodetske i imovinsko-pravne poslove Općine, Kalesija kao posjednik navedenih nekretnina upisan je Karić Husein, sin Mehmedalije sa dijelom 1/1, a prema podacima zemljišne knjige kao vlasnik parcele u zk. ul. Broj: 188 KO SP Kikači, označene sa k.č. Broj 722/6 upisan Avdić (Avdo) Omer sa dijelom od 1/1.

Pozivaju se sva lica koja polažu pravo na priznavanje vlasništva ili nekog drugog prava na navedenim nekretninama da svoje pravo prijave u roku od 60 dana od dana najave podneskom u dva primjerka i to dokažu, u suprotnom njihovo pravo neće biti uzeto u obzir prilikom uspostave zemljišnoknjižnog uloška.

Lica koja polažu pravo na tim nekretninama mogu navedeni rok na zahtjev produžiti za najmanje sljedećih 90 dana, kako bi im se dala mogućnost da pribave potrebe dokaze. Ukoliko u produženom roku ne uslijedi prijava, zemljišnoknjižni uložak će se uspostaviti na osnovu do tada pribavljenih dokaza.

Zemljišnoknjižni referent

OPĆINSKI SUD U ŽEPČU Zemljišnoknjižni ured Broj: 044-0-DN-24-000 074 Žepče, 20.03.2024.godine

Na osnovu člana 63. i 67. Zakona o zemljišnim knjigama Federacije BiH („Službene novine FBiH“, broj 19/03 i 54/04), Općinski sud u Žepču

NAJAVLJUJE

USPOSTAVLJANJE ZEMLJIŠNOKNJIŽNOG ULOŠKA

U zemljišnoknjižnom predmetu broj 044-0-DN-24-000 074 po zahtjevu “tda” d.o.o. Žepče, u toku je postupak za uspostavljanje zemljišnoknjižnog uloška. Nekretnine za koje se uspostavlja zemljišnoknjižni uložak upisane su u Posjedovni list broj 148 katastarska općina Ljeskovica, označene kao:

- **parcela broj 302/1 naziv “Ridžalova Bara” kulture poslovna zgrada u privredi površine 649 m² i zemljište uz privrednu zgradu površine 4664 m²**

Prema podacima iz katastra posjednik navedenih nekretnina je “tda” d.o.o. Žepče, sa dijelom 1/1. Pozivaju se lica koja polažu pravo vlasništva ili neko drugo pravo na tim nekretninama da svoje pravo prijave u roku od 60 dana od dana najave podneskom u dva primjerka i da podnesu dokaze za to, u suprotnom njihovo pravo neće biti uzeto u obzir prilikom uspostave zemljišnoknjižnog uloška.

Lica koja polažu pravo na tim nekretninama mogu navedeni rok na zahtjev produžiti za najmanje sljedećih 90 dana, kako bi im se dala mogućnost da pribave potrebne dokaze.

Ukoliko u produženom roku ne uslijedi prijava, zemljišnoknjižni uložak će se uspostaviti na osnovu do tada pribavljenih dokaza.

Zemljišnoknjižni referent
Elvir Mehinić